

IOANNIS KLEINII,
SS. THEOL. IN ACADEMIA ROSTOCHIENSI
PROFESSORIS,
DE
AVGVSTANA
CONFESSIOE
ORATIO

IN IVBILAEO PRIMO A. C.
PVBLICE HABITA,
ET
OCCASIONE SECVNDI
SEORSIM EDITA
PRAELECTIONIBVSQVE PVBLICIS
MENSE IVBILAEO ET SEQV.



A. cl^o 1^occ XXX
IN AVDITORIO PHILOSOPHICO
DIEBVS MERCVRII ET SABBATI HORA III.
INSTITVENDIS DESTINATA

A
IOANNE ERHARDO KAPPIO,
PROF. ELOQ. PVBL. EXTR.

LIPSIAE cl^o 1^occ XXX.

EX OFFICINA IO. CHRISTIANI LANGENHEMIL

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY


THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY



DE
PRINCIPVM ET STATVVM
EVANGELICORVM CONFESSIONE,
ANNO ABHINC CENTESIMO, IN COMITIIS AVGVSTANIS,
EDITA,
ORATIO.

Magnifice Domine Rector, admodum Reuerendi, Con-
sultissimi, Experientissimi, Excellentissimi Viri, Fautores
plurimum Honorandi, Reuerendi et Dignissimi Verbi
Diuini Ministri, Clarissimi et Eruditissimi Philosophiae
Magistri, Auditores omnium Ordinum suspiciendi, tu
quoque Literatissima, Nobilissima, Politissima Iuuentus,
Amicorum corona plurimum dilecta.

Discuturum me de Confessione Augustana, anno
abhinc centesimo, hoc ipso die, die vigesimo
quinto Iunii, coram ordinibus Imperii ferme
omnibus, comitiis in Augustanis edita, nemo
opinor vestrum est, qui miretur, quod commo-
ueri animo, et toto corpore exhoruisse videar. Siue enim
magnitudinem rei, de qua dicendum, siue vestri splendorem

confessus, siue tacitas omnium auditorum cogitationes, qui, quid tandem tam nobili argumento dignum allaturus sim, auidē expectant, ad animum reuocaueritis, tantum abest, ut in admirationem rapere vos queat timor meus, ut potius, si si abesset, verecundiam meam videremini iure desideraturi. Id ipsum, quod dicturus sim, quod conscenderim cathedram, quod non recollegerim me, nec, quis sim, nec, quid possim, pensiculatus exegerim mecum, plures miraturos, utinam non ex re ipsa, animus me meus admoneret! Differendum nempe de infinita misericordia Dei, quod fidem Christianam ab ipso Christo et Apostolis semel traditam, et postea humanarum inuentionum mole paene obrutam, in lucem reuocari, tam solenni in conuentu, Altissimus voluerit; quod reuocatam contra vasserimas machinationes et horrendos impetus hostium, toto saeculo Filius Dei potenter conseruauit, non leui opera, nec perfunctorie est exponendum: quod inter nos quoque, in nostris templis, collegiis, scholis, aedibus, aeterna cum nostrarum animarum salute, doceri eam curauerit spiritus sanctus, quod hac adhuc dum hora, in tanta rerum omnium perturbatione, incorrupta ipsa fruamur, eo nomine nobis merito gratulandum. Haec vero omnia tot et tanta, si a disertissimis etiam Oratoribus satis digne extolli, si diffusam tam insignium diuinorum beneficiorum laudem oratione vlla aequari posse autumarem, imperitiae equidem me ipsum arguerem: me autem si tot rebus, tam grauib, tam variis, vel ingenio consequendis, vel oratione complectendis, vel voce et viribus sustinendis imparem diffiterer, arrogantiae profecto, aut potius amentiae meo memet iudicio ipse condemnarem. Quidni igitur animus meus imbecillitatis propriae optime conficius admoneret me de incepti huius audacia? quidni mallet aliis hodierna die aurem concedere, quam ipse, tam imparatus, ad dicendum exsurgere? Cum tamen, qui dicere vellet alius, quod vnice vouebam, reperiretur nemo, indictam autem abire tam solennem lucem existimarem nefas, meminissim etiam illud *Madaurenfis Philo-*
sophi,

sophi, sicut ad poenam sufficit meditari puniendam, sic et ad laudem satis est, conari praedicanda, praesertim vero in gratiis agendis, non vires, scirem, spectari, sed voluntatem, ut facilius excusetur, quo velit, qui non possit, quam, quo possit, qui non velit, memorem accepti beneficii animum ostendere, vestrae etiam humanitatis recordatione non parum recrearer: Statui omnino, fubeundum mihi publici iudicii discrimen, et qualicumque successu verborum aliquid tanta de re factitandum; ut qui, cum quemvis potius voluisssem dicere, quam me, me tamen malle quam neminem, sperareque, tantum accessurum orationi meae benevolentiae, a rei, quam molior, pietate, quantum ei defuturum praeuidebam a mei perorantis tenuitate. Sic igitur accedo ad dicendum, non, ut editae Augustanae Confessionis opus fiat commode per me enarretur, sed uti ne omnino silentio apud nos fuisse inuolutum videatur, nec, ut copiosa oratione magnitudinem tanti beneficii explicem, sed, ut tanto de cumulo paucula delibem, non dubitans, ut olim ingenioso pictoris inuento, magnitudo Cyclopi, quae tabulae angustia comprehendere nequibat, eminuit tamen ex depictis iuxta Satyris, pollicem dormientis thyrsos mentitis, sic ipsam diuini huius operis dignitatem, nulla, quae humana eloquentia exprimi potest, vel ex minima parte laudum tenui oratione leuiter perstricta, satis luculenter se esse prodituram. A vobis tamen, Auditores, officiosissime prius contendo, ut quod facitis, porro facere, id est, attenta auscultatione benevolentiam erga me vestram declarare ne grauemini.

Cum numero multa, et formis varia sint morborum genera, quibus querula haec fragilisque Naturae nostrae pars tanquam equuleo et fidiculis saepius distrahitur, *Medici* tamen duos potissimum internos fontes et scaturigines obseruant, unde prorumpat in genus humanum Pelagus illud cruciatuum et debilitatum, semen, ex quo gignimur, et Nutrimētum, quo alimur. Alterum nempe docent morbi, quos

haereditarios vocant, cum vita vitae mala a parentibus in liberos transfusa: Alterum ostendunt pericula, aut potius exitia, quae cibo potuque vel prauo infecti, vel idoneo defecti, vel copioso nimis obruti non pauci subierunt. Ea, dem Christianam vti Religionem sorte, *Auditores omnium Ordinum honoratissimi*, nemini sit dubium: valet illa vigetque, dum semine Diuino, quod pios regenerat, et coelesti alimento, quod fideles sustentat, verbo Dei, satis affluenter et incorrupte fruimur. Ea autem vbi desunt, vbi diuino femini sua non relinquitur natiua puritas, vbi coeleste pabulum parce vel neutiquam conceditur, et, si concedatur, humanarum tamen praeceptionum lolio et limo intermixto corruptum est, vbi, posthabito Israelitici vini fonte, faeculentas traditionum aquas, plenis faucibus et Thracia quasi amygdide in nos ingurgitamus, marcescit solidum illud et quondam succi plenum Reipublicae Ecclesiasticae corpus, tabida languent membra, et errorum scabies, et haereseum gangraena obuia quaeque depascitur.

Nil mirum igitur, superioribus saeculis, eo rem redigi potuisse sub Dominatu Pontificio, vt Christi veritas vbi-que, si non vt protrita perierit, certe tamen vt sepulta et ignobilis latitauerit, a rectis in vitia, a vitiis in praua, a prauis in praecipitia prouerint Christiani coetus, paucique illi, qui in aberratione communi vtcunque pergebant, quae eundum erat, non qua ibatur, aut crudelibus caedibus absumpti, aut exiliis abacti, aut minis et terroribus exanimati nec hiscere sint ausi. Scripturae sacrae nec priuatim legabantur, nec publice audiebantur, nisi id audiri dicas, quod Latina lingua, indocto populo, a mox cantillante, mox submurmurante sacrificio, inter sacra recitabatur, a quibusdam (a) pro concione, ablegato Euangelio, *Aristotelis Ethica* enarrabantur, Biblia ex manu, mente, oculis complurium, etiam Doctorum, etiam Theologorum, erant excussa, eie-

cta,

(a) Apolog. A. Conf. Art. de Iustificatione. pag. 62.

ēta, remota, eliminata: adhuc hodie, cum quidvis Romae legere liceat, etiam spurcicias *fabulatorum italicorum*, quibus homines adolescentuli, imperiti rerum, in fraudem illi-ciuntur etiam *Iohannis Casae, Archiepiscopi Beneuentani* librum, quo horrendum scelus, quod nec fando exprimi debet, scelerata eloquentia commendatur; solos codices diuinos vernaculo sermone expressos haberi est nefas, et si habeantur,

furiarum maxima iuxta

Accubat et manibus prohibet contingere mensas,
prohibet te sacris vesci scripturis, nisi prius vino Rom. probe fueris dementatus, et tum demum peculiari indultu impetraris lectionis sacrae licentiam. Et non deficeret pristinus Ecclesiae vigor, vbi vnum vnicum eius nutrimen-tum, non modo non procuratur miseris, sed etiam inter-cluditur? Assuebantur Diuinis oraculis Pannuciae huma-narum inuentionum, quae verbis sententiisque sacri con-textus, et moribus antiquis diserte repugnabant, pro sensu tamen genuino scripturarum venditabantur, modo practi-carentur, (verba Cardinalis Cusani agnoscitis) et pro tem-pore current, fontes Graecos et Hebraeos nemo cura-bat, Magistri omnis pietatis habebantur consuetudo, pom-pa, quaestus, vt optimum crederetur, quod magnus igna-rorum assensus, reciperet, sanctum, quod oculos plebis de-tineret, diuinum, quod Clericos ditaret, Sacramenta ipsa partim erant in theatricum spectaculum conuersa, partim in quaestum collata, et multis modis contaminabantur. Et non palleret decolor vultus longa tabe putrescentis populi, cui coelestis panis non tam fermento, quam toxico mistus, et Euangelii vinum veneno magis quam aqua dilutum, et alimentum vitae aloë et aconito infectum, sic publice pro-ponebatur? Adiiice his multiuga mandata Ecclesiae, de re-bus nec adiaphoris cunctis, nedum bonis, quibusdam quo-que legi Diuinae aperte repugnantibus? Cogita sales, aquas, ampullas, sputa, ramusculos, bullas, iubilaea, indulgentias, suffitus,

fuffitus, et infinitos ludos, Comici verbo, ludificabiles: Re-
 miniscere clamorum de sanctis, de sanctorum meritis, de
 miraculis sanctorum, de *S. Dominico* regiam ad coelos viam
 ipso Paulo clarius monstrante, de *S. Francisci* vulneribus et
 conformitatibus, quibus arae, templa, suggesta perstrepe-
 bant: Innumerum denique numerum cultuum electio-
 rum, quibus conscientiae illaqueabantur, perpende. Et
 cuius, putas, *Polydamantis* humeri his ferendis pares essent?
 cuius *Milonis* stomachus tot cruditatibus digerendis suffice-
 ret? Nonne miserabilior ex tali, et tam copioso cibo, quam
 ex fame, facies Ecclesiae foret? Hinc altum illud de vulne-
 ribus Christi nos sanantibus, et Fide iustificante, et merito
 Filii Dei gratis imputando, silentium, istisque Amyclaeo si-
 lentio sepultis, gemitus piorum, sub pondere onerum, et
 praefulum rapacitate succumbentium. Hinc querelae (b)
 Petri Cassiodori de Ecclesia Anglicana, in luto, ut ait, et la-
 tere ancillata, dataque in manus eius, de quo non possit
 surgere absque auxilio subleuantis. *Compatiantur tibi, cla-*
mat, omnes transeuntes per viam, quia non est dolor, sicut
tuus. Iam enim prae dolore nimio, atque effusione tua nimia
lacrymarum, supra carbones est facies tua dextrata, ita quod
non es cognita amplius in plateis. In tenebris te tuus prae-
fatus superior, Pontifex Romanus, collocauit, inebriauit te
absynthio et felle. Afflictionem populi tui eiusque gemitum
audi. Vide Domine, et descende, quia cor dicti viri, super cor
Pharaonis est nimium induratum. Tuum populum abire li-
berum non dimittit, nisi in fortitudine manus tuae. Hinc su-
 spira Scriptoris (c) de aetatibus Eccles. Eo, inquit, peruen-
 tum est, ut nunc ablata ab oculis veritate, nec antiqua reli-
 gio, neque humanitatis ratio teneatur. Hinc ingenua Lori-
 chii (d) confessio, sunt Pseudocatholici, qui reformationem
 Eccle:

(b) apud Goldastum tomo I. Monarchiae Romani Imperii p. 12.

(c) apud Goldastum ibid. p. 25.

(d) de Missa proroganda in 7. part. Canon.

Ecclesiae quoquo modo remorari non verentur. Quanto quisque melior, tanto avidius illum videre optabat diem, quo vel spes saltem orbi affulgeret, reuocandae veritatis, et conscientias a tam dira, et non turpi magis, quam misera seruitute liberandi.

Quod hoc factum; quod suspiria, querelae, gemitus, coelum penetrarunt, quod illuxit illa dies, qua ecclesia oppressa ad pileum et libertatem vocaretur, Doctrina Christi foede inquinata pristinam recuperaret faciem, veritas emergeret, imo ab omnibus omnino tot tantisque corruptelis vindicata, in splendidissimis imperii Comitibus, in illustri principum *Germaniae* confessu, in ipso *Caesaris* praetorio, palam, toti quasi orbi conspiciendam sese et amplectendam praeberet, quantum hoc est, *Auditores*, Dei immortalis beneficium? quae mens et cogitatio magnitudinem eius capiet? quid primum, quid ultimum mirabimur? Religionem, quam tot saeculorum infecerat incuria, vnone ab inchoata reformatione duodecennio potuisse expoliri (vix enim duodecennium intercescit inter primas Lutheri disputationes. et Augustana Comitibus) ut pauciores ad repurgationem suffecerint anni, quam saecula ad labem inferendam concurrerant? et sic potuisse expoliri, ut naevus in tam inquinato ante corpore superesset nullus, nulla restitaret labecula? Certe cum repurgatae veritatis Confessio anno supra mille quingentos trigesimo, Augustae edebatur, ipsi aduersarii nequibant in eam, ut maxime vellent, contumelias dicere, et indignabantur, quas tam anxie quaerebant, nullas reperire se impietates et haereses. Mitto *Episcopi* (e) *Salzburgensis* vocem, *vellem missam reformatam, vellem libertatem in cibis, et aliis traditionibus, et totum ordinem sic stare; sed ut misellus Monachus nos reformet omnes, id non est tolerandum.* Transeo (f) *Episcopum Augustanum*, exclamantem, *illa, quae recitata sunt, sunt pura pura veritas,*

B

tas,

(e) Chytraeus *Histor. Augustan. Conf.* pag. 74.

(f) Chytraeus *ibidem.*

tas, non possumus inficiari. Non adduco *Cornelium* (g) *Scepperum*, Cæsari qui ab Epistolis secretioribus erat, qui, quod non candidiores Religio ferret nostra calculos, auri tantum inopiae imputandum prae se ferebat, false iocatus, ut erat elegantis ingenii homo, et natis intra pomoeria iocis seria temperare amabat, *nos, si bene nummati essemus, facile Religionem, quam vellemus, ab Italis licitatu-ros: ut autem Religio non collustrata auri splendore, orbi lucem affulgeat, frustra expectari.* Confessionem *Wilhelmi*, (h) *Bavariae Ducis*, qui a recitatione domum reuersus, *longe alia et magis horrenda de doctrina Lutheri sibi significata fuisse, quam eodie audierit, affirmavit*, et quaecunque alia magno numero adici possent, latere sino: Rem ipsam videamus. Quid tandem *Eccius*, quid *Faber*, quid reliqui iurati Euangelii hostes, postquam sat diu arroserant ungues, et versauerant et excusserant omnia, quid tandem reppererunt haereticum? Sex, aut, ad summum, septem capitibus, omnis eorum continebatur (i) accusatio, articulis nimirum *de cultu Sanctorum, communionem sanguinis Christi, sacrificio Missae, coniugio sacerdotum, votis monasticis, humanis constitutionibus, et iustificatione per solam fidem.* Reliqua omnia nolentes volentes aut probabant, aut concedebant posse ferri, siue conciliari. Et haec tamen ipsa, in quae litem intenderunt, proh Deum immortalem! quam sancta, quam pia, quam euidentia ex Scripturis sacris, quam contestata apud omnes bonos! Utinam liceret ipsorum, qui haec impugnant, mentis sensus recessusque intimos introspicere, quibus varias volunt et reuoluunt obscurissimas cogitationes! reperiremus conscientias ipsorum, in istis quoque capitibus, nobis, etsi nolint, relinquere tandem Veritatis palmam et herbam quasi

(g) *Histor. Concilii Tridentini Petri Suauis Polani pag. 62. Chytraeus Histor. A. Conf. pag. 75.*

(h) *Historia A. Comitiorum tomo 5. Jen. German.*

(i) *Eccius in censura de singulis Aug. Conf. articulis apud Chytraeum Histor. Aug. C. p. 235.*

quasi porrigere. De Iustificacione quidem, quid habet Confessio, quod non tandem credididerit *Carolus V.* cum iam de rationibus Deo reddendis sollicitus, iam terrenarum curarum liber, iam Coelos et coeleste tribunal cogitans, in *Hieronymianorum* fratrum sodalicio versaretur? Cum a confessionibus sacris vteretur *Constantino* (k) *Pontio*, homine *Lutherano* (certe propter *Lutheranismum* (l) effigies eius in carceris squallore demortui *Hispali* fuit cremata) cum optimus Imper. cum animo suo sic statueret, *se quidem indignum esse, qui propriis meritis regnum coelorum obtineat, sed Christum, ad quem duplici iure coelum spectet, et haereditate patris, et passionis merito, altero contentum esse, alterum sibi donare, ex cuius dono merito sibi hoc vindicet, eaque fiducia fretus minime confundatur; neque enim oleum misericordiae, nisi in vase fiduciae poni, hanc hominis fiduciam esse a se deficientis et inmitentis Deo suo, alioquin propriis meritis fidere, non fidei sed perfidiae esse, ut est apud Thuan. lib. 21.* Nonne itidem *Episcopus Wintoniensis*, morti iam vicinus, de Iustificacione Fidei admonitus, rem periculi plenam dixit, populo hanc rimam aperire: sibi tamen sui que similibus, quibus imminente morte fastuosae praesumptiones de meritis operum, facile excutiantur, tuto doctrinam illam *Lutheranam* reuelari posse? ut est apud *Foxum* in Martyrologio. Nonne ipse *Bellarmin.* lib. 5. de Iustificacione cap. 7. *tutissimum*, censet, *si meritorum quodammodo obliuiscamur, et fiduciam* (ipsa eius verba recito) *fiduciam totam in sola Dei misericordia et benignitate reponamus.* O Diuinam potestatem, iquae ex labiis tam peruiacacibus veritatis confessionem extorsit! Reliquorum capitum eadem est conditio. De constitutionum humanarum onere, varietate, multitudine in libro *de Vita Sp. animae Gerson* misere queritur; Vota sua, ut *Monachi* implendis iis inpa-

B 2

res,

(k) *Thuanus* libro 21. *Histor.*(l) *Histor. Trident. Concilii Petri Suanis* libro 5. pag. 486. *Thuanus* *Histor.* lib. 23.

res, rescindant, et saluti suae autoritate Pontificis per matrimonium consulant, suadet Philipp. 19. *Alphonsus Virue-sius*. Legem de coelibatu Sacerdotum fixam, refigi debere, censent (m) Concil. Basileense, (n) Panormitanus, (o) Durandus; Morem sub vna specie communicandi, non a Christo, aut Apostolo, aut docto aliquo purioris Ecclesiae antistite, sed ex errore tantum, siue, vt loquitur, *ex simplici et candida religione populi* initium habuisse fatetur (p) *Stephanus Gardinerus*, postularum nostrum de Sacra coena iuxta Christi praescriptum sub Pane et Vino administranda iustum et aequum esse, concedit aduersus *Bucerum Latomus*, in Missa inueniri abusus et errores, non negat *Albertus* (q) *Pighius*, Missam priuatam non tanquam sacrificium propitiatorium pro viuis et defunctis, sed solum gratiarum actionis et ministri participationis causa, restaurari debere, ipsi in *Comitiis Augustanis* (r) deputati Pontificiorum contendebant, de inuocatione Sanctorum praeceptum extare in sacris nullum, (s) ipsi confitebantur.

Magnum hoc est, *Auditores*, quod post tam altas et diuturnas tenebras adeo splendida effulsit subito Fidei lux, in qua nihil requirere aduersarii possent, nisi quod in ipsis frustra quaererent scripturis, nihil condemnare, quod non tandem hostes laudare cogantur; Sinceritas illa confessionis nostrae, magnum est immortalis Dei beneficium. Quod tamen ausi sint nostri profiteri puram illam veritatem in conuentu tam celebri, quod non exciderit illis mens, non obtorpuerint subita caligine oculi, in ministerium edendae Confessionis fuffecerint lingua et animus, opus est, meo quidem

(m) Apud Aeneam Syluium lib. 2. de Gestis Conc. Basil.

(n) Panormitanus in Can. cum olim de Presbyteris coniugatis.

(o) Durandus in lib. de modo celebrandi concilii part. 2. tit. 46.

(p) Stephanus Gardinerus in Sophistica Diabolica.

(q) Albertus Pighius in locis commun. de Missa priuata.

(r) Chytraeus Hist. A. Conf. pag. 284.

(s) Chytraeus Hist. Aug. Conf. pag. 254.

quidem animo, Altissimi non minus. Neque enim professio illa, quam sancta, tam tuta, aut secuta fuit, magni impendebant motus, subscribere ei nemo quibat, nisi qui vitam pro veritate, terram pro coelis, homines pro Deo contempsisset, nullasque sibi, neque contentiones, neque inimicitias, neque corporis et fortunarum calamitates, pro Evangelio defugiendas arbitraretur. Quid enim? re saepius agitata, iam condemnati in iudicium veniebant: imperiali decreto proscriptionis sententia *Wormatiae* in *Lutherum* fuerat promulgata, vndique minae, caedes, direptio denuntiabantur, vndique hostile in veritatem odium. Nam quid studiis facere perucacium possumus, qui, quod diu senserunt, ne videantur male sensisse, quoquo modo defendunt, turpiusque putant, a veritate vinci, quam perire implicitos erroribus? Decem continuis annis in id vnice Monachi incubuerant, ut exorta fidei fax vel sanguine nostro extingueretur: formidant quippe aegra lumina solem, et diem splendidum nocturna auersantur animalia. Sacrifici cruces, rogos, flammis, aut vaga per artus funera meditabantur, multorum Episcoporum et Principum vultus erant pleni furoris, oculi caedis, sermo arrogantiae; subnixi vi humana, et Dei securi, mirum quam alto nos despiciebant supercilio; cum conscientiae rationem nostri obtenderent, quid conscientia (t) clamabant? quid dictamen conscientiae? turbas non feret Caesar. Aderat *Caesar* ipse, domita *Italia*, *Hispania* territa, Rege Galliarum capto, et fortunae ipsa ubique vota praeuenientis afflatu, et virium suarum conscientia ferox, *Bononiae* insuper a Pontifice ad vim et arma inflammatus. Id enim in colloquio *Bononiensi* *Papa Clemens VII.* (u) optimi Imperatoris auribus vnice instillauerat, *nihil*

B 3

(t) Iustus Ionas apud Chytraeum Historia Aug. Conf. pag. 75.

(u) Hist. Trid. Concil. Petri Suavis lib. 1. pag. 58. Chytraeus Hist. Aug. C. pag. 6.

bil fore consultius, quam si, quae diplomate Leonis X. et edicto Wormaciensi statuta fuerant, opere ipso peragerentur. Si quid, dixerat, resposissent contra Protestantes, id non audiat, siue concilium petant, siue in dubiis maiorem lucem postulent, siue suae ad concilium prouocationis mentionem faciant, siue aliud quid, quod perinde ac caetera, impietatem suboleat, causentur. Vbi primum refractarii fuerint inuenti, ad arma, ad arma decurrendum, nec dubitandum de victoria, contra tam paucos et tam imparatos, et tam imbecilles, Ecclesiasticis omnibus principibus, et maiori saecularium parte cum ipso Caesare ad arma concurrentibus.

De ipso autem Pontifice Romano quid dicam? Patres et Amici fauentissimi, quid de aula Romana? Nouit utique Christianus orbis, quo ardore Papa, et papales ministri persequi soleant, quos vel in minimis contra rem commodumque sedis Romanae venire suspicentur. Legatur, quaeso, vnica illa *Cardinalis Baronii* digressio, in *XI. Annalium*, qua ipsum *Carolus V.* cum filio et nepote, duobus *Philippis*, *Hispaniarum* Regibus, Pontificiae sedis propugnatoribus acerrimis, ob nescio quae Siciliae iura praeter Pontificis placitum vsurpata non fecus(x) ac viles quosdam orbis terrarum praedones, et Ecclesiae perduelles, et perduellibus deteriores, contumeliose tractat: repetantur memoria nuperae turbae *Venetae*, cum in ferenissimam illam Rempublicam, semper studiosam Pontificum, *Paulus V.* velut impetu coelum et maria rupturus, crudelissimis diris et edictis detonuit. quod ob meritum? (y) duas renouauerant

(x) Confer Iudicium Cardinalis Afcanii Columnae de eadem *Baroniana* Disputatione, et *Philippi III.* *Hispaniarum* Regis, Edictum contra tractatum Cardinalis Baronii de Monarchia Siciliae.

(y) *Paulus Venetus* in *Considerationibus Censurarum Pauli V.* *Antonius Quirinus* Relation. *Rationum Serenissimae Reipublicae Venetae*, *Hieronymus Vendramonus* Disquisit. *Controuerfiarum inter Paulum V. et Venetam Rempublicam.*

rant *Veneti* leges, quibus id vnice cauebatur, ne sine consensu principis, ignari quos habiturus esset colonos, aedificia noua erigerentur, neuē tandem immobilia Venetorum bona vniuersa, cum intolerabili detrimento Reipublicae, in alienam ditionem transirent; duos itidem carceri manciparant Ecclesiasticos. Ecclesiasticos dico? monstra, humana facie tecta. Alter *Canonicus Vicentinus* libidine efferratus, matronae splendidissimae mirum in modum promissis, minis, vi, astu, foris, domi, in publico, in templo, sollicitatae pudorem violare tentauerat, eiusdem honestatem, voti non compos, valuis noctu illitis et indice diobolaris prostibuli appposito per summum infamarat scelus, publica D. *Marci* sigilla spreuerat, laeserat, refregerat: alter *Neruesiae Abbas*, veneficus, sicarius, sanguinis humani gurgēs, non ab hostibus, non ab amicis, non a domesticis violentas ferebatur abstinuissē manus, non, proh scelus! a patre ipso, parenti suo, a quo genitus, educatus, ditatus, violentas, imo non violentas, sed impuras, sed sacrilegas, sed parricidas intulit manus: stupra, fornicationes, adulteria, quaecunque turpis libido suadet, leuia in ipso vt putarentur, maiori meruerat scelere, sorori infelix, sorori non pepercit, sorore turpissime abusus fuit. Ad tanta scelera Ecclesiasticorum quod non conniueret Senatus, quod portenta illa culeo insuenda Princeps *Venetus* dimittere noller, hoc eos excitauit fluctus, vt dirum Anathematis carmen in *Venetos* Pontifex pronuntiaret, belli, et malorum, quae bella comitari solent, metum incuteret, et omnia potius conflagrare vellet, quam quicquam de libertatis, vt vocant, Ecclesiasticae obtentu, et edictis commodisque suis decedere pateretur. Tam facile eueruescit morosa Pontificum iracundia. Politicum illum, qui in cultu regum consenuerat, interrogatum, qui consequutus esset rem rarissimam in aulis, senectutem, iniurias, respondisse ferunt, accipiendo, et agendo gratias. De Rota siue curia Romana hoc vere dicas. Nemo contemescet in illa, qui iniurias accipere et laudare non didicerit,

rit, nemo ei probabitur, cui non omnia dicta, facta, cogitata Pontificum fuerint probata, qui cunctas non mullitauerit iniurias, non arriserit publicis priuatisque, quas edet sedes Romana, cladibus si quid mutias, et vllam emittas, vel querentis, vel improbantis, vocem, si dicere verum, et Pontificem inter adulatorem stupentem, ipsaque consuetudine pro tectis blanda audiendi ad ignorantiam veri perductum, liberiore voce missa a consensu concentuque falsorum vindicare tentes, actum est statim, concitasti omnia; difficili bile tumet papale iecur, et odia nunquam finienda exaestuunt. Quo animo igitur esset ipse erga nostros Confessores? quos videbat non pauculos Ecclesiasticos Ecclesiasticae iurisdictioni subtrahere, non vna aut altera lege lata tentare Romanam patientiam, sed aperto Marte aggredi formidatam terris et inferis triplicem coronam, Pontificias fraudes et imposturas prodere, errores refellere, superstitiones accusare, de nouis cultibus queri, imo de tenebris Romanis face scripturarum expulsi gloriari et triumphos agere. Hic ille non concitaretur? non flagrant oculi? non ruberet facies, sanguine ab imis praecordiis aestuante? non complosa saepius manu, et humo pulsata pedibus, et gemitu, et mugitu et trementibus labris, et toto concito corpore indignationem conceptam testaretur? Non toto furore armaret se in exitium tam infensae et tam inuisae confessionis? Pone articulum XII de gratia Dei sine satisfactionibus nostris obtinenda. Et quanti ementur papales indulgentiae? inculcetur hominibus ex art. 4. 6. 20. doctrina de gratuita hominis per fidem iustificatione, deque necessitate vere bonorum operum. Et quis locus relinquetur dispensationibus Pontificiis? Admoneatur officii sui ex art. 14. Ordo Ecclesiasticus. Nonne obturabitur tertius etiam spiritualis censuum Ecclesiasticorum fons, unde beneficiorum collationes emanant? Quam cito quoque exarescet fons quartus obuentuum papalium, status scilicet Ecclesiastici redditus ordinarii? si ex articulo 7. abu-

sum

suum dignoscantur limites, inter potestatem Regis et Sacerdotis a Deo praestituti? Imo quod vestigium remanebit omnis *Omnipotentiae* pontificiae, si ex eodem articulo ad mores a *Christo, Petro, et Paulo* praescriptos et observatos, potestatem successorum Apostolicorum exigere homines doceantur? Neque enim *Paulus*, puto, *Vice Deum*, vel *Dominum Deumque nostrum* se appellari iussit: non opinor Petrus in aurea sella, corona lemniscata, apparatu Persico, veste Attalca gemmisque interlucentibus fulgurante, in principum ceruicibus equitavit, non pigros suos ingessit in os Monarcharum, non Eucharistiam ante se, quocunque incederet, cum luminibus et tintinnabulis circumtulit, non annatas, commendas, immunitates, vniuersas, praeuentiones, baculos pastores, expectatiuas gratias, tolerantias concubinarum, pallia, vsus palliorum aere vendidit, non sedit in Septimontio, et omnia spatia furui regni et genera paenarum digito descripsit, alias animas in cruciatum relegans, alias accepta mercede, ad auri repente tinnitum, pro arbitrio eximens: non sibi soli in vniuersam Ecclesiam dominatum vindicauit, quas familias funditus excindi, quas extolli, quibus populis libertatem dari, quibus eripi, quos Reges mancipia fieri, quorumque capiti regum circumdari decus oporteat, quae ruant imperia, quae oriantur, suae iurisdictionis esse, nunquam credo asseruit. Omnia haec quam pontificibus sunt vsitata, tam contraria sunt Petrinis praeceptis et moribus. Quam molestum ergo pontificibus refricari memoriam regularum istarum in Symbolo nostro? quanti Paparum intererat, aboleri nomen omne confessionis tot modis pontificio fastigio damnosae? Pax ante niuibis et flammis erit, quam Pontifici cum fide illa conueniet toto coelo ab institutis pontificum dissidente? Quid vero posset viuax Paparum ira, et feruens Romana indignatio, satis perspexerant alienis ex incommodis, qui norant (ecquis autem non norat?) Venetorum Legatum Franciscum Dandalum catenis vinctum et detrusum sub men-

sam Clementis V. ad ossa fortassis inter canes liguriendam, ceruicis Imperatoris Barbarossae pedibus Alexandri III. subiectas, Henricum IV. Hildebrandi et Paschalis furis oppressum, et detentum, et ex folio in monasticam cellulam compulsum, et inedia et moerore contabescentem, infinitos praeterea Heroas, Reges magnos et principes late dominantes ignominiosissime a Papis habitos, imperiis suis deiectos, et ad malorum extrema ex alto suarum dignitatum fastigio detrufos. Omnia haec, quaeque plura praesentis periculi horror cogitantibus subiiciebat, non tamen remorata sunt pientissimos nostros Confessores: *Iohannes Constans* (neque enim possum, quin memorem omnium gentium memoria dignos) *Electo*, *Georgius Marchio Brandenburgicus*, *Ernestus Dux Luneburgensis*, *Philippus Landgravius Cattorum*, *Iohannes Fridericus Dux Saxoniae*, *Franciscus Dux Luneburgicus*, *Wolfgangus Princeps ab Anhalt*, *Senatus et Magistratus Nurembergensis*, nec non *Senatus Reutlingensis*, sui suorumque immemores, non Deo, non Veritati, non Ecclesiae defuerunt, praebuerunt se duces orbi ad veritatem anhelanti, iussi a summo Magistratu, quanquam pauci numero essent, fidem orthodoxam, Pontifici, pontificiis, imperio, orbi terrarum, ipsi inferorum tyranno maxime exosam palam confitebantur, a Numine, a Numine ipso, diuinitus animati. Vnde enim, Patres et Fautores, tantus ille Principum, Senatum, Ciuitatum, zelus, quo correpti, posthabitis rebus omnibus, spreto omni metu, Veritati publice testimonium perhibebant? vnde? nisi a Deo Fidei et pietatis omnis vno in cordibus mortalium autore. Tu, o clementissime Pater, Diuino illo robore constantiaque *Constantis* merito dicti Electoris pectus armauisti: a te o *Christe Iesu*, accensa est illa pietas, ille feruor, ille inuictus animus *Iohannis Friderici*, Viri, vel hostium et victorum confessione (2) maximi, propugnandi tui verbi vt tanto studio

(2) Thuanus Histor. lib. 4. et 13.

studio flagraret, vt in ipso etiam lqualore carceris, non minis, non promissis, non blanda libertatis ostentatione, non damnis fortunarum, non capitis pronunciata sententia ab agnita veritate vel hilum dimoueretur, sed Deo fretus *mundo* quasi medium digitum ostenderet, fortunae insultaret, mortem rideret, certe mortis audita sententia (a) latrunculis luderet, si hoc ludere est, lusu morti ipsi illudere. Tu, *o sancte Spiritus*, inflammasti aethereum illud Serenissimae familiae Brandeburgicae sidus Marchionem *Georgium* (b) vt inter minas Caesareas in Imperatoris Palatio, caput, caput se, clamaret, pro Euangelio ferendum porrigere, Diuinum illud pectus, et decoros humeros ad gladii ictum praesentissimo animo denudans, attonito ad tantae pietatis spectaculum Caesare et inter stuporem et lacrymas vociferante; non caput, non caput petitur, non agitur de vita: tu, o aeternae et misericors Deus, reliquis principibus et adiunctis Ciuitatibus, addidisti animum, vt cum Veritas e densissimis tenebris emergens, ceu nouus aliquis sol, pulchritudine sua admirabili ipsos cepisset, et ad sui amorem, non aliquibus igniculis, sed flagrantissima verae pietatis flamma incendisset, Veritatis etiam professionem, nulla propositorum periculorum formidine, deferendam arbitrarentur. Virtus Dei hoc omne peregit: Confessores illos, illos praecones veritatis, solus sibi excitauit lehoua: Diuinam hic deprehendo dextram. Quae tamen vt tanto manifestius se exereret, ipsius etiam irati Caesaris opera, in propugnando verbo suo, eodem tempore vsa fuit. Ipse Caesar, o altam Diuini consilii abyssum! quam tum oderat, quam tum exstinguere conabatur, fidem, ipse asserere, ipse tueri coactus est. Non enim asseruit? non tuitus est nostram fidem? cum (c) exhibitam confessionem saepius de-

(a) Thuanus Historiarum libro 4.

(b) Hist. Aug. Conf. tom. 5. Luth. pag. 27. Edit. Ienensis.

(c) Chytraeus Hist. Aug. Conf. pag. 119.

scribi iussit? descriptam Lusitaniae, Pannoniae, Italiae, Scotiae, Angliae, et totius denique orbis Christiani Regibus et principibus praecipuis transmissit? transmissam ubique legi, aestimari, diiudicari voluit, de toto negotio consilia et sententias exterorum sciscitatus? Traducebamus scilicet apud ignotos antea, iniuria quidem et summo scelere aduersariorum nostrorum, traducebamus tamen (d) ac si ne vestigia quidem Ecclesiae apud nos vlla reliquissimus. Magistratum contemptim, Sacramenta nihili, sacra profana promiscue haberemus, belluinam omnium flagitiorum capteremus licentiam, belluarum more in stupra, adulteria, incestus, nefandas libidines prorueremus, homines impii sine religione vlla, sine Deo, hostes Christianae gentis, indigni luce, indigni vita, in quos spurcitiae se omnes omnium haereseum colluuiionibus deriuassent. Haec omnia nonne refutauit ipse Caesar facto suo? A tot congestis contumeliis nonne vindicauit existimationem Ecclesiarum nostrarum, confessione nostra totum per orbem diuulgata? Omnia haec falsa, efficta, ementita, calumniola, nonne tota Europa iudicauit, quamprimum ipsi, Caesaris auxilio, nostrae confessionis inspiciendae facta copia? Vt nempe *Sophoclem*, cum accusaretur in iudicio a filiis pro deliro et fatuo, qui rem familiarem stolide profunderet, et iam curatore opus haberet, purgandi eius criminis causa, venisse aiunt in iudicium, et cum pronunciaisset *Oedipum Coloneum*, Tragaediam, a se illis ipsis diebus elaborate et pereleganter scriptam, vitro interrogasse iudices, num illud carmen hominis delirantis iudicarent? Nonne sic similiter Confessio nostra, quocunque mittebatur a Caesare, omnibus in oris, ipsa sui lectione imo primo introitu contestabatur, et quasi interrogabat obuios, ecquis tandem hanc doctrinam existimare posset rabiem hominum furentium et conspurationem haereticorum,

(d) Formula Concordiae pag. 300. Histor. Aug. Conf. in tomo 5. Lutheri pag. 28.

rum, quibus nihil cum Christo, nec cum Ecclesia commercii, vt maleferiati quotidie calumniose clamabant.

Omnia hucusque in opere Confessionis conspiciuntur magna insignia, admiranda, diuina. Post longam malorum inenarrabilium tolerantiam post teterrimos errores a longa die inuectos, Fides Christiana primis statim XII. reformationis annis puritati suae restituta, Confessio eius contra totius orbis minas inuicto animo edita: innocentia eiusdem per ipsos aduersarios, per insensos Caesares a calumniis vindicata, quod si porro edisserere vellem, quomodo eadem confessio fraudulentas falsorum fratrum manus et machinationes effugerit? quomodo contra omnes artes et arma pontificum in concussa substiterit? cum militari manu oppressa putaretur, quomodo altius erexerit caput? quomodo eodem loco, vbi viginti et quinque ante annos, primum fuerat edita, Augustae scilicet Vindelicorum, ab imperio toto digna fuerit iudicata, cuius profitendae libertas in imperio nemini praeclusa esse debeat? quomodo eorum, qui sensu Religionis a nobis sunt alienissimi, sic nobis animos beneuolentiamque conciliauerit, vt in diuersissima religione, pacem tamen diu nobiscum coluerint? an causae tanti celebrandi beneficii? an vero vox? oratio? latera? dies me deficerent?

Haecenus tamen editam, haecenus in Germania conseruatam Confessionem Augustanam loquor? Quid si patriae fines egrediamur? O vim admirandam veritatis Diuinae! etiam longe lateque disseminata est Augustana Confessio? Quantumuis aduocauerit Pontifex omnes imperii sui vires, eo omnia contulerit studia orbis Pontificius, vt extirparetur Confessio, et Confessorum ipsorum exitio ostenderetur, quanti constent piis, de Reformatione Ecclesiae praeclari conatus, nil tamen effectum est, frustra impensa omnia, superauit et creuit malis confessorum numerus. Vt facula iactata flammae crescunt sic latius diffudit se exagitata veritas, dum extinguere ipsam in Germania pontifex

molitur, extorsit ipsa pontifici Aquilonem totum, et omnibus in Europae prouinciis pios nacla est affleclas. Ipsius *Bellarmini* haec est querela, praefat. in disputat. suas: *Quis ignorat pestem Lutheranam in Saxonia paulo ante exortam, mox Germaniam pene totam occupasse, inde ad Aquilonem et Orientem profectam, Daniam, Noruegiam, Suetiam, Gothiam, Pannoniam, Hungariam, absumpsisse, tum ad Occidentem et Meridiem pari celeritate delatam, et Galliam, Angliam, Scotiam, florentissima quondam regna, breui tempore populatam, ad extremum Alpes transcendisse, et in Italiam usque penetrasse?* et rursum lib. 3. de Pontif. Rom. c. 21. *Nostri vero temporibus, quibus vos Antichristum maxime furere vociferamini, tam prosperi illi omnia successerunt, ut maximam Germaniae partem amiserit, Suetiam, Gothiam, Noruegiam, Daniam uniuersam, bonam Angliae, Galliae, Heluetiae, Poloniae, Bohemiae, ac Pannoniae partem.* Cuncta haec igitur pontifici Veritas restaurata eripuit, per quos? pauculos, contemptos, Theologos, non delinitis principibus assentatione, cuius expers oratio veritatis causa omne discrimen subeuntium, non donis multitudine sollicitata, quis auro commendari orthodoxam fidem vidit? non populari licentia praedicata, neque enim Euangelium licentiae tumultuantium fauet, quod Magistratui ius et auctoritatem suam reddidit. Non fraeno carnalibus delitiis laxato, nos quippe euertimus poenitentiarum istam, quae parricidium Turonensibus 4. ducato 1. Karlinis 8. flagitia cum vestalibus commissa cum dispensatione ad ordines et beneficia turonens. 36. duc. 3. incestum, in vtroque foro, turonensibus 18. duc. 4. Karl. 9. aestimat, et contra legis seueritatem, et iudicii diuini horrorem, acriter inculcamus: non denique opposita vi vlla, vi hostes nostri se tueantur: nos ad scripturas, non ad flammam confugimus, nec ferro aduersantes, sed verbo Dei obfidemus: Diuinae vocis vires omnia peregerunt. Videte, quatenam illa fides sit, quae talibus auxiliis Pontificem adeo vehementer afflixerit?

Mira-

Mirabatur quondam orbis, cum Alexander ex obscurae et ignobilis Macedoniae angulo egressus, et Macedonibus suis, fordida paulo ante clientelae persicae parte, comitatus, potentissimum Persarum regnum euertisset: nec iniuria orbis illud mirabatur. Quis enim metuisset ab imberbi Macedone, Regi Regum et Deorum consanguineo, ut se ipse appellabat, Dario, qui infanientem istum Philippi adolescentulum verberibus puerilibus grauiter caesum, post indutum veste purpurea, sibi transmitti per satrapas suos voluerat? aut quae Persicis opibus collatae opes Alexandri? cuius pater argenteum Scyphum, nescio vnde nactus, praec amore vix noctu a se demittere audebat, capiti in somnis eundem, tanquam rem pretiosissimam, supponens, tanta illi argenti penuria! aut quid vix 30. millium exercitus, contra tot gentium, et totius orientis excitam suis sedibus molem, tam immensas copias trahente secum Dario, ut militi castra essent angusta, explicandis turmis campestris non sufficerent, vix coelum pateret satis ad tela emittenda omni manu. Persa igitur domitus, hoc est, immensa agmina a paucis turmis deleta, innumerabiles diuitiae ab inope Rege victae, potentissimus Rex ab imberbi iuvene debellatus, maximum regnum ab ignobili principatu euersum, merito orbis stupor fuit. Maiorem tamen, *desideratissimi Auditores*, stupendi materiam orbi praebet infracta et tot regnis orbat Roma sedes ab illis, quas dixi, Veritatis copiis: tenuiores quippe illae, quam, quas, non dico Macedo, sed impotentissimus quisque rex in aciem vnquam eduxerit: Congressae autem sunt cum hoste, qui ipsis Persicis regibus, nulla parte virium inferior, in certamen procescit. Ecquid enim, Auditores, ad tutandum regnum Pontifici tandem defuit? Arma? cui Caesares militarunt, ad cuius classica iunctis animis copiisque coniurati reges venerunt. An autoritas? quem Deum in terris non pauci agnoscunt, ut contra ipsum bellum gerere, sit ipsi Deo bellum inferre, cum Papa sit Deus, et Deus sit Papa. An audacia satelli-

tum

tum? in cuius copiis etiam *Clementes* conspiciuntur, etiam *Fauxii, Grantii, Castelli, Barrerii, Rauillaci*, proiectae ipsi ad quiduis agendum, sustinendum, audaciae, pro commodis papalibus aut versare dolos, et orbis Monarchas in cubiculo, in aulis, in castris exercitu toto stipatos, inter fidas procerum manus, in amicorum sinu, obtruncare, totaque adeo regna cum regis familiis et vniuersis ordinibus frustillatim vno impetu discerpere, aut grauisimis cruciatibus animose immori, ipsi paratissimi. Ab opibus vero, quam non imparata fuerit Romana sedes, facile suspicabitur, qui vel norit, vnum (e) *Ioannem XXII.* vicies quinquies millena aureorum millia, siue ducentas quinquaginta auri tonnas, in aerario decedentem reliquisse, vel qui legerit, (f) pecuniae ex folis Galliis sub Martini Quinti Pontificatu Romanam delatae summam ad nonagies centena coronatorum millia excucurrisse, vel qui fama inaudierit, taxam (g) ut vocant, vacantiarum, descriptam in libris Camerae, ex foliis Galliae Ecclesiis Cathedralibus et Abbatibus, sexto quoque anno conficere summam sexenarum nonaginta septem millium septingentarum quinquaginta librarum Gallicarum, extra praelaturas numerum hunc non subeuntes, et alia beneficia, quorum exactiones ferme illum calculum adaequant. Vos certe omnes, Auditores Doctissimi, non difficulter illud aestimabitis, modo partim reminiscamini, partim moneamini, non minus auri argentique pertraxisse ad se pontifices quauis ex Europaea prouincia, quam quantum ex ea ipsa Imperatores olim Romani exegerint. Incredibile hoc

(e) Franciscus Hotomannus in *Fulmine Bruto* cap. 8. et *statliche Ausführung der Ursachen, warum Chur - Fürsten und Stände aufs päpstliche Concilium nicht erschienen*, p. 121. Edit. anno 1564.

(f) *Statliche Ausführung*, etc. pag. 113. ex Archiepiscopi Magdeburgensis legato ad Concil. Basil in Sylua locorum communium.

(g) Franc. Hotomannus cap. 8. *Fulm. Bruti*.

hoc fortassis aliquibus videtur? Video enim nonnullos vestrum commotos, et toto vultu auersari tantam rapacitatem: est tamen, quod dico, verissimum. Quoniam ita vultis, doceamus id, vel Galliarum exemplo. Iulius quidem Galliam omnem in prouinciae formam redegit, eique, Suetonio teste, in singulos annos quadringenties festertium, id est, vulgato more si summam exprimas, decies centena millia coronatorum, stipendii nomine imposuit. Non inferiorem summam, summa sit haec ingens licet, vno anno Galliam pontifici pensitasse dico. Temere id ne credite, si a leui coniectura res pendet, et teste colligitur incerto, quid autem? si grauissimo Parisiensis Senatus testimonio res tota constet, qui in postulatis pro Ecclesia Gallica Ludouico XI. oblatis articulo septuagesimo secundo et sequentibus, rationibus summa cura subductis ostenderit, tribus annis ex Ecclesia Gallicana supra quadragies mille aureos, aureorum vigesies octies centena millia Pium Papam recepisse; an dubitationi porro locus relinquetur? hoc certe inuenitis apud Franciscum Duarenum, qui postulata illa Latine conuertit, et edidit sub finem libri de beneficiis. Et huius tamen immanis summae triennio perfolutae triens est annum illud, quod Galliae Caesar imposuit, stipendium. Et quid obstupescitis? Iidem veteres Romani, quos *solos omnium opes atque inopiam pari affectu concupiuisse, non Orientis, non Occidentis opibus satiabiles, Britannus olim Galgacus* questus est, ex bonis fortunisque omnium penegentium in tributum actis, plus non perceperunt, quam ex vnica Europa Pontifex. Sic testatur, qui id scire poterat, homo Italus, Romam noscens, Romae notus, Flavius Blondus: Nunc, inquit, *Principes orbis terrarum dictatorem perpetuum non Caesaris, sed piscatoris Petri successorem, et Imperatoris praedicti Vicarium, Pontificem summum, adorant et colunt: Nunc orbis terrarum Cardinalium Senatum, in vrbe Roma post Pontificem veneratur.* Quid? quod maiora, vet

D

certe

certe paria, priscis temporum vestigalibus Europa pene omnis tributa Romam mittit, dum singulae ciuitates a Romano Pontifice beneficia sacerdotalia accipiunt? Haec ille instauratae Romae libro tertio. Ergo igitur nullius rei minus, quam argenti, quod tamen belli neruum veteres dixere, inopia Pontifex ille vere maximus, sed orbis miseria maximus, in bello laborauit. Quod si calliditate et prouidis consiliis regna magna firmari existimatis, cogitate astutiam Pontificibus tantam fuisse, quantam habuisse eos necesse sit, qui fraudibus suis totum fascinatum tenuerint orbem, atque omnia sceptrata et coronas nullo iure subnixi, per inuestigabiles artes mitrae suae subiecerint. Et quid denique? Doctorum multitudinem in muniendo dominatu sibi defuisse, praetendere an poterunt, qui de seminariis suis tam multa, tam gloriosa iactant, (h) quod in iis Discipuli omnem veritatem discant, Magistri omnem veritatem doceant, totiusque seriem Theologiae (cuius vix nomen quid sibi velit, qui apud nos sunt studiosi, ne Doctores quidem nostri, Lectoresque possint concipere) tam accurate quadriennio praelegant, ut si quis diligentem velit literis nauare operam, doctus sit euasurus Theologus, et ad gradum Theologiae aspiraturus: quandoquidem praeter eas, quae de positiua Theologia habentur praelectiones, quae Hebraica, quae controuersias, quae conscientiae causas tractant, vnica illa, quae in Scholaastica versatur Theologia, eo ipso quadriennio edoceat eo modo omnes partes fidei Catholicae, ut inde auditores intelligant, non solum quid scripturae de re fidei tradant; verum etiam quicquid cuncti Conciliorum Tomi, scripta Patrum, Ecclesiasticarum historiarum volumina, aut quicuius alius autor lectione dignus contineat. Sint hae, sint iactationes verae, neque enim eas iam excutio; id vnum quaero, tot et tantis regni Pontificii munimentis, innumerabili gente, seminariis tam gloriosis

(h) Bristous quaestione siue interrogatione 41. Narratio de Anglicano Seminario degente Romae.

riosis, porta, consiliis queiscunque tam calidis quam callidis collatis, congesto immenso auri pondere, quale, qui oculis non subiecit, concipere animo non potest, immani omnium Rauillacorum ausu omnibus tentatis, auctoritate Vice-Dei ad rauim vsque ingeminata, ad ludibrium vsque ostentata, Regum, imo et principum vi, et totius pene Europae impetu, quid effectum? et quidem contra pauculas, imbecilles, contentas, meticulosas, non opibus, non consiliis excellentes, nulla, nisi Iesu crucifixi scientia gloriosas veritatis copias, quid obtentum? id, Patres et Amici lectissimi, ipse ex Bellarmini querela intelleximus. In tot regnis vicit numerum paucitas, arma imbecillitas, honorem ignominia, audaciam timor, opulentiam pauperies, astutiam simplicitas, sapientiam omnem sola Christi cognitio, vel, ut verbo dicam, veritas de errore triumphauit; triumphauit ipsis inferorum portis nequicquam resistentibus. Atque vtinam modo non aliqui, quos et ipsos multis erroribus diuina veritas liberauerat, in quibusdam mysteriis nimium tribuissent humanae sapientiae, nec, dum transubstantiationem et Coena, vires humanas et conuersione tollere nituntur, excedente modum medicina, et coena substantiam ipsam corporis Christi sustulissent, in conuersionis negotium Stoica decreta et inexorabilem parcarum tabulas intulissent, neue hinc ipsi, qui alias veritatis se propugnatores perhibebant, et veritatis etiam armis non pauca strenue gerebant, in veritatis illibatae affeclas, secundum Pontificis vota, ferrum strinxissent! Adhuc felicius foret pugnatum, si modo in tantis rebus nos homilluli quidquam suspicari debemus. Porro tamen non est, quod existimetis, terrarum illarum, quas Bellarminus enarrauit, finibus veritatem restauratam, eiusque Confessionem Augustae editam potuisse comprehendere: in ipsas Hispanias, in coenobia Hispaniarum irruit, ut rogi in Virginum, Nobilium, Monachorum viuicomburia hanc ipsam ob fidem (i) Hispali et pinciae insumpti

D 2

Anno

Anno 1559. glorioso non minus, quam euidenti argumento demonstrarunt. Apud Ruthenos quoque (k) ad Mosqui fluenta inuenit Confessio Augustana tutam et honoratam sedem: Graecorum non formidauit ingenia: Subiit conspectum Patriarchae Constantinopolitani, (l) a quo etiam Confessionis Augustanae socii ad sacrorum participationem intromissi in interiora templi loca, quo soli Patriarchae cum his, qui sacra peragentem ministerio suo adiuuant, penetrare licet: Legitur sermone Heneto (m) a Trubero Carniolano munificentia Ducis Wirtenbergici Christophori adiuto, in Henetam linguam transfusa, ne in Turcicis prouinciis, quibus Henetus sermo familiaris est, ingemiscen-tes sub iugo Othomannico Christiani tanto thesauro priuarentur: (n) Albaniam imo et Iberiam, et Caspium mare penetrauit, ab ipso Georgianorum Principe illata. Nam, cum anno Christi cō Io LXXIX. duo fratres, Georgiano- rum Principes, parte ditionum suarum a Mustapha Turci- co Bassa occupata, recuperandi regni causa, Constantinopo- lln cum splendido comitatu ad Amurathen essent profecti, et minor quidem natu subiectione promissa fideque Chri- sti eiurata, regnum ex voto impetrasset, alter autem *Quar- quare Artabas*, cui totum regnum propter nascendi sortem debebatur, omni dominationis recuperandae spe excidisset, quod nollet in Turcarum transire ritus et Religionem, fa- ctum est, sic mire disponente Deo, vt pius hic princeps fru- ctus tamen peregrinationis suae non poenitendos, aut po- tius praemia constantiae amplissima ferret, et, qui regno terreno a Turca exclusus esset, regni diuini communione bearetur, inque propagatorum veritatis a Christo ascisce- retur

(k) Philippus Nicolai libro 1. de Regno Christi cap. 1. ex Oderbornio.

(l) Philippus Nicolai libro 1. de Reg. Christi cap. 1.

(m) Iacobus Andreae Oratione funebri in obitum Truberi.

(n) Philippus Nicolai lib. 1. cap. 1. de Regn. Christi.

retur consortium. Singulari enim providentia diuina venit in notitiam Oratoris Caesarei Baronis Vngnadii, ex eoque per interpretes comiter salutato Ecclesiarum Germanicarum statum sciscitatus est: Amanter illum resalutauit Baro, interprete Wenceslao Budouitio, aulae suae tum temporis Magistro, deque nostris Ecclesiis edoctum, ut in Christiana fide constanter perseveraret, monuit. Adhaec exemplar Graecum Augustanae Confessionis manu sua scriptum, principi communicauit, quod ipse serena fronte acceptans, in sermonem Ibericum illico per interpretes transferri iussit, et exemplar vtrumque in patriam transmisit. Et nunc fortasse in extremis illis oris, vix fama satis cognitis, principis sui pietatem imitati Georgiani Confessionem Augustanam legunt, versant, exosculantur, nunc Caucasi et Mocotidis accolarum barbara labra de restituta verbi coelestis puritate nobis gratulantur, et ipsa vagorum Scytharum feritas fidei orthodoxae mansuetudine mitefcit.

Sed harum me cogitationum, siue mauultis votorum laetitia perfusum, et iam porro Ecclesiae, indigenis, orbi gratulaturum, reprimit in ipso cursu orationis exortus subito animi dolor, et spes longinquas, et vota in alienum orbem diffusa mittere iubet, et curare, quae propius nos tangunt. Recordor enim hodiernae faciei patriae nostrae; obuersatur ante oculos funesta tot urbium, tot gentium imago, quae nuperis annis Solem hunc Augustanae Confessionis etiam Scythiis et Tartariis exorientem apud nos in meditullio Germaniae, siue amiserunt, siue expulerunt. Trepidat, trepidat magno concussum metu pectus, ne iterum omnia fatali quaesata ruina labent, iterum Germanos obscura premat nox, et densa mergat caligine Teutonas deforme Chaos Pontificium: non, quod error toties victus triumphaturus sit de oppressa veritate, *opprimi enim non potest veritas, etiamsi Principes, etiamsi populi veritatem amplexi, oppressi fuerint*, quod recte in ipsis Comitibus Augustanis (o) minitan-

ti Caesari Confessores responderunt, sed, quod metuendum videatur, ne Deus irritatus mutet coloniam cum Euangelio suo, cuius consortio ipsi vita et flagitiis nostris nos indignos reddidimus. Horum, Auditores, periculorum formido excutit mihi prolixam illam gratulatoriam securitatem, cogitque, ut potius omnes nos monendos, rogandos, et per nos ipsos, per salutem Ecclesiae, per posterorum spem, per aorum memoriam obtestandos ducam, eamus, clamans, eamus obuiam tanto malo, arma, arma corripiamus, non illa terrena, imbecilla, quae vix cutem carnemque stringunt, sed spiritualia, sed diuina, sed penitissimas animae partes penetrantia, quae coelestis Imperator militibus suis commendauit, pro ense verbum Dei, pro scuto immotam fidem, pro galea spem salutis, pro lorica seriam poenitentiam, et vitae rectitudinis studium, pro igniuomis globis ardentes preces et lacrimas ad Deum profusas. Quibus ex officio incumbit, praedicemus sermonem, instemus tempori, non tempori arguamus, obiurgemus, exhortemur cum omni lenitate et doctrina, etiamsi fuerit illud tempus, quo sanam nolit doctrinam tolerare mundus, sed aures a veritate auersas, fabulamentis patulas praebeat: iuuentus nostra discat vibrare gladium Dei, verset diu et noctu sacras scripturas, det operam Graecis et Hebraeis fontibus, quarumque ductu ad eos hauriendos indiget, bonis literis, vestigia legens maiorum suorum, quorum virtutes adhuc utcumque vitia nostra sustentant. Nulla vis, nullae minae, nulla inuidia a Christo nos auellat, ne labefactet quidem: propter terras, Deum nobis ne eripi patiamur. Quidquam ne tanti erit, cuius causa Sacramentum, quo in Baptismatis fonte Seruatori nos obstrinximus, violare velimus, infidi, transfugae, Dei desertores, proditores nostri, nec in Christum magis quam salutem famamque propriam iniuriosi? Quid salui quaeſo in homine est, autore salutis perduto perfide, eierato improbe? aut quid sibi quisquam de fide nostra polliceri poterit, quam Deo

Deo viderit non seruata? Quin potius spem ausimus nostram praestare Deo, quosque fortuna hostibus animos dedit, sumamus a causa, inter montes malorum, cum nulla superest ratio salutis, salutem speremus, Deo et veritate, quam tuemur, confisi, adeoque, si forte patientiae velit nostrae periculum facere Deus, pro veritatis testimonio non dubitemus iugulum dare, sanguinemque profundere eius pro confessione, qui sanguine suo profuso aeternam nobis vitam promereri non dubitauit. Illi sit consecrata vita, cui debetur, reminiscamur, nihil aliud intercidere, quam corpus fragilitatis caducae, morbis obnoxium, casibus expositum, proscriptionibus obiectum, animum vero diuina origine haustum, cui nec senectus vlla, nec mors, nequaquam perimi, sed exsolutum onerosi corporis vinculis, ad Christi regna, et sedes ab aeterno paratas recurrere: ipsum etiam hoc corpus, sed omni fragilitate liberum, recepturos nos a Seruatore, pro cuius confessione illud libenter amiserimus. Sic, credendo et patiendo, facile quemuis impetum sustinebimus, modo innocentiae studium his accedat. Quid prodest morte velle rueri fidem, quam vita perpetuo infames? Modo precum non obliuiscamur, et adoremus, et procidamus, et ploremus coram Domino, ut cataractas miserationum, et viscera amoris sui, quae vitiis nostris et viarum nostrarum peruersitate nobis ipsi praeclusimus, propter se aperiat, et quamuis nos filii dici non mereamur, ille tamen patrem se esse meminerit, nec, cum indignitatem nostram cogitat, necessitatis nostrae obliuiscatur, quod, quamuis luce diuina priuari meruerimus, carere tamen illa nequeamus, ac proinde apud indignos etiam gratia sua habitet, indignos tueatur, si non aliud, saltem honorem nominis sui vindicans, quod irridendum prostituetur iis, qui de nobis, Christi populo, erunt triumphaturi. His telis vsi, Auditores, cui hosti non pares essemus? Sic nobis armatis, an verendum, ne recolligat attritas suas opes Papa, et fractas vires reficiat, totiesque fusa et poenitenda errorum suorum

suorum acie aut potius colluue in euentus surgat melioris fiduciam? Cuncta vt ille commouerit, terras, maria, Acheronta ipsum, potestne maior venire, quam fuit tum, quando his armis victus est?

Haec me clamare, haec monere, his similibusque vocibus longa oratione confirmatis excitare me fas erat supinam non paucorum negligentiam. Sed vereor, ne haec frustra sint, apud eos, qui his stimulis indigent, qui ad ipsas plagas diuinas occalluisse videntur: et praeterea extremum aliquid, necesse est habeat oratio mea, finemque me dicendi facere oportet, cum attendendi vos nullum faciatis.

Ad te, igitur, o magne Deus, conuerto potius preces meas: tu, o viue fons misericordiae, ne memor esto delictorum populi tui, neue in indignationis aestu abiice a facie tua, quos redemisti, quos adamasti, quibus clamantibus propitium te fore es pollicitus, veram poenitentiam, viam spem, fidem immotam tu, tu inspira cordi nostro coelitus, quandoquidem ex nobis ea non habemus, quae ventura metuuntur, aut potius, quae metu maiora venient, ni tu prohibueris, potenter auerte, quibus indigni sumus, bona gratiose concede, fortuna pia pacem publicam spectantia consilia, Ecclesiam tot procellis et tam foedis tempestatibus confictatam, et te praeter praesidium habentem nullum adiutorem neminem, respice e coelo; sicut centum proximis conseruasti annis hic verbum tuum, pro quo ima ex mente animi aeternas tibi gratias habemus, sic et in posterum in patria nostra Agnitionem et Communionem Filii tui ab omni labe liberam conserua, ab Academia hac Balchica coenum et virus haereticum depelle, in templis, cathedris et pulpitis nostris vox verbi tui et Confessionis Augusti sonitus omni aeuo constanter perennet, imotum per orbem latius se in dies diffundat, vt post decursum centum annorum, tot modo si adhuc current anni, de concesso, seruato et diffuso tanto bono grata nostra posteritas ex hoc loco iterum nomini tuo dicat laudes, sibi que, et toti orbi, vt par est, gratuletur.

